

Tertio medium motum Solis, à quo subtrahe medium Saturni, & proueniet argumentum eius.

Quarto dirige D filum quod ex centro mundi egreditur, super medium motum Saturni in orbe signorum, cui deinceps filum κ æquabiliter protende, dimisso demum D filo, duc centrum A epicycli cum auge eius, id est duodecimo signo directe, sub κ filum.

Quinto dirige A filum epicycli super argumentum planetæ in epicyclo, quod ut ita inuariatum permaneat, uidendum est.

Sexto dirige D filum super argumentum planetæ, id est, super intersectionem filii epicycli cum epicyclo ueræ circulationis, quod ostendet in orbe signorum uerum Saturni motum.

EXEMPLI CAUSA.

¶ Quærendus fit uerus Saturni motus ad annum Christi 1520 completum, & ad 16 Ianuarij diem, horam 2, minutum 43, & secunda 16. Huius itaq; dati temporis inuenio medios motus, scilicet:

	S.	G.	M.	S.
Medium motum Saturni.	10	11	20	40
Argumentum in medium Saturni.	11	24	0	53

¶ Secundum canonem igitur educo D filum super medium motum Saturni in orbe signorum, eiq; filum κ æquantis parallelum, sub quod centrum & augem epicycli duco, reiecto autem κ filo, instrumentum ita numeratum relinquo. Deinde A filum pono super argumentum medium Saturni in epicyclo. His autem ita immotis permanentibus, filoq; D super sectionem filii A cum epicyclo ueræ circulationis applicato, id in Zodiaco ostendit sextum gradum Aquarij, uerum scilicet Saturnij motum diebus æquatis, ad meridianum Babenbergensem. Cumq; argumentum medium in medietate epicycli superiori reperio, directum eum esse dico.

b ij AEQVA-